

範

六念損已布施道士及饑寒者天下人民各得其所

七念蠕動踐行一切眾生咸蒙成就

八念赦賞前生今世罪對立功補過

九念家門隆盛宗廟有人世生賢才

十念專受師經不敢中怠平等一心廣度一切克獲飛仙白日登天拜見太上永成真

人雲車羽駕和與道合真

存神燒香

香官使者左右龍虎君侍香諸靈官當令臣建壇之所自然生金液丹碧芝英百靈眾真

交會在此香火爐前臣學道得道求仙得

仙齊主受福顯沾恩十方仙童玉女侍衛

香煙傳臣向來所啓速達運御

太上无極大道至真玉皇上帝御前

出堂頌

回靜默

謝師 回向

靈寶領教濟度金書卷之二百五十一

靈寶領教濟度金書卷之二百五十二

洞微高士開光授書真人審金其校

靈寶通玄弘教水南先生林重其編

科儀立成品儀笑感道場川

午朝行道儀

燒香頌

各禮師存念如法

宣衛靈咒

丹靈朱火 炎霞激風 赤輪剛運 天光入衝

道威包羅 交變萬方 流金豁落 群魔滅蹤

辟邪破妖 明耀元功 金符召制 躡雲乘龍

誦誦慶會 散花太空 神化冥運 四極安隆

伏御帝前 罔有不從 和與道合真

鳴法鼓二十四通

无上三天玄元始三炁太上道君召出臣身

中三五功曹左右官使者侍香金童傳言玉

女五帝直符直日香官各三十二人出出者

嚴裝閣啓玄壇天帝神君當召此間土地里

域真官正神急上關啓臣今奉為入海意以

今臨午陞壇行道願得玉清道炁靈寶妙光

下降流入臣等身中今臣所啓速達運御

謹稱法位

具位臣其與臨壇官眾等謹同誠上啓

太上無極大道虛無自然元始天尊太上大

道君太上老君昊天玉皇上帝中天北極紫

微大帝勾陳星宮天皇上帝神霄真王長生

大帝東極青玄上帝后土皇地祇九天上帝

三十二天上帝五老上帝上清十一曜真皇

君二十八宿星君南方熒惑火德星君耀星

星君五星所變五慧星君府官家真等各人

本命元辰星君九天諸司真君天曹諸司真

君三元三官帝君北極四聖真君靈寶五師

真君素玄樞機三省真君十方無極飛天神

王五天三界大魔王三天門下三元真君上

章詞表靈官三洞四輔經錄法科高真上聖

五嶽五帝真君五天聖帝洞天福地靖虛治

化得道仙官本派祖玄真師列位真人經籍

度師列位真人北陰玄天鄴都大帝水府扶

桑并扶大帝地水二司曹僚僚吏城隍社令

里域司命三界官屬一切威靈臣聞元始開
圖煥真風於六合虛皇御運舒慧靈於九垓
神功密運以包羅聖力潛孚而宰制上極無
上鴻濛陶五太之先玄之又玄混洞植三才
之始無光無象有數有滋母萬物於無垓子
庶民於有截臣等夙祠韻洽社稷材疎抱裁
金鳳牒之書惜分志切綴曳玉駕班之武進
寸心悠期弘道以立功誓丹誠而補過凡有
投告理合闡聞

宣詞

按如詞音備切衷誠臣聞仰碧落之金經耀
司火政企紫虛之玉緯榮典炎權因所變而
圖藉殊名錄所尚而史志異號僕彈輒向必
賴維持今齊官共等禁室郊原結廬并落肯
堂肯構期垂格於後昆乃暨乃茨奠貽謀於
奕世倏聆星變殿號火殃解隆而若雷勢
猷談而如電雖隨屋角真原速近之方云自
天邊豈驗經行之處儻更歷於司決必兆覺
於閭閻若非修齊以預祈昌克迎祥而弭災
矣崇丹陛肆演瓊章羅龍壁於五雲列鳳繒

於四界鯨鐘振響播花搖曳於三成虬磬流
明旌蕙歲難於九奏輅切切虛無之相拱鬱
羅妙有之尊激切投誠勤奉請命即俾炎精
制伏火炁沉藏全閭里以和寧普週遐而同
慶以今臨午行道請法眾等謹茲初捨上香

願此香煙騰空逕上供養

无上至真道寶臣等皈身皈神皈命首體投
地願以是功德上祝

皇帝陛下伏願道並三皇德隆五帝垂衣御
宇萬方拱有道之長服袞臨朝十極被無為

之化壽若山而莫極福如海以無垓垂彼六
龍來四方之玉帛駕茲八駿歷九服之山川

今故燒香自皈依

師尊大聖眾至真之德得道之後長保自然
和與道合真

以今臨午行道請法眾等謹茲三捨上香
願此香煙騰空逕上供養

无上至真經寶臣等皈身皈神皈命首體投
地願以是功德皈流齋官共等伏願老安少
懷外和内睦八節享如天之福渺渺何窮百

年延若地之齡如不動守綱常而尊卑有
序崇廉恥而長幼不爭院宇春風象壺天而
宴樂門庭秋月等福地以歡愉今故燒香自
皈依

師尊大聖眾至真之德得道之後長享自然
和與道合真

以今臨午行道請法眾等謹茲三捨上香
願此香煙騰空逕上供養

无上至真師寶臣等皈身皈神皈命首體投
地願以是功德歸流南方榮感星君伏願惠

愛周流慈恩浩蕩赫芒收歛陳善禱於玄冥
炎勢掃除進嘉謀於回祿千里之城隍社令

四郊之里域神祇勿奏前愆免列焦墟於四
壁惟旌後善庶羅完礙於諸楹今故燒香自
皈依

師尊大聖眾至真之德得道之後長享平安
和與道合真

禮方 儀方餘方

臣等今故燒香皈身皈神皈命
東方無極太上靈寶天尊已得道大聖眾至

具諸君大人九炁天君東鄉神仙諸靈官
梅齋主某某等世生生不修戒律穢賤五穀
輕慢二禾厭棄稻粱蹂踐黍稷恃藉溫飽不
念饑寒蓄養雞豚輕重斗斛咨寒怒暑罵雨
呵風罔顧天威惟徇人欲千罪萬過未經懺
陳致使天譴來臨祝融司燬匪由懺謝曷保
安寧今故燒香志心皈命伏願原其宿過賜
以新釐關告里社神祇嘯命回祿主宰降流
福慶絕滅火殃庶俾屋宇無虞宗族宴喜免
斷礙焦墻之苦息焦頭爛額之憂門戶光輝
謀為稱遂得道之後均享平安和與道合真

命魔

步虛

三啓

三禮

重稱法位

具位 某與臨壇官眾等謹同誠上啓
玉清聖境元始天尊上清真境靈寶天尊太
清仙境道德天尊昊天玉皇上帝北極紫微
大帝勾陳天皇大帝神霄長生大帝東極青

玄上帝后土皇地祇九天上帝三十二天上
帝五老上帝上清十一曜星君南斗六司星
君北斗九皇星君二十八宿星君南方熒惑
星君耀星星君五星所變五善星君太乙月
字星君九天諸司真君天曹諸司真君三元

三官帝君北極四聖真君靈寶五師真君泰
玄樞機三省真君十方飛天神王五天三界
大魔王三天門下三元真君上章詞表靈官
三洞四輔經錄法科高真五嶽五帝真君五
天聖帝洞天福地得道仙官本派祖玄列位

真人經籍度師列位真人北除玄天鄴郡大
帝水府扶桑丹林大帝地水二司曹僚掾吏
城隍社令里域司命三界官屬一切真靈
聞鶴火表星張之分離午司權大火號房心
之墟震卯持齋配銀河之次舍固金井之封

疆越有災星號為災曜守常則執衡秉禮際
變則布善興妖今古同符天人共監今齋官
某某等室宅延袤樓宇接連乃於永夜之間僉
謂火殃之過勢疾風兩尾如帚而首若其聲
震雷霆後若杵而前如日似倫遠岫實墮近

原更逾日決之臨恐有燎焚之禍深慮爰從
往劫循至積生營家而固占鄰基理室而併
包近地斗尺欺詐行隱僻而指蕪隔權量焉
誣性貪饕而賤名檢躬行乖義踐履虧仁指
日月而唾星辰怒雷霆而叱風雨元臘不守

節會多違咎盈黑籍之中釁結玄曹之上金
科玉律合送祝融青格丹條宜遭回祿况先
期而示象許預禱以首愆是以嚴潔圭衡格
修齊戒轉經行道說災厄之潛消燒香散花
祈福禧之昭被伏冀威顏在上靈景居中渙

渥紫虛命城隍之主宰頒恩碧落關里社之
神祇為蓋赦於前非即錄陳於後悔庶得營
攸滅跡畢方收威福地無塵長幼夷猶於院
宇壘天有慶公私熙洽於庭除永沉意外之
虞常暢心中之樂素忱翼翼玄監昭昭上願

經緯和平乾坤寧靜三光朗耀四氣均調百
穀用成極雨露涵濡之潤九疇攸叙暢河洛
澄晏之功犬無夜吠以時雍鳳有朝鳴而允
治園扉晝寂鞠青草以歡怡方域春融靜綠
林而茂悅飛潛樂意動植全生則上明

天專大慈之化下副臣等皈命之誠謹啓以聞

發願

- 一願大道淡泊虛無安閑空寂澄清自居廣開法門教導頑夫皆蒙惠澤精苦自修預以同學善得升虛與天相保長存無憂
- 二願諸天結氣澄清高虛廣覆保真固靈氣候調節四運和平國安民豐普天闡享廣濟一切惠達有生保天長存億劫不傾
- 三願土地覆載無窮安平不陷海淪不崩保鎮家國兆民興從養生安死惠周十方禾稼滋植營運日豐咸得獲載萬類皆從
- 四願日月二景高明無有亭蝕虧盈安靖光照諸天洞消暗冥保固劫運世祚和平普加潤澤惠灑衆生
- 五願星辰與天齊光轉燭照耀十五十方各安其位經緯直行保鎮家國無有災傷四海寧一普願昌隆
- 六願四時隨節推遷景氣和調無有災患疫毒消滅普天安平五穀豐熟國富民歡

七願浮雲結炁聚煙飛空高澄蔭覆玄玄隱則無為散則彌天神仙同居結友衆真惠流一切興國愛民普濟群生人同劫年

八願風雨徧濕無窮普加施泄受其發揚萬物滋生國儲民豐

九願五嶽各安其方龜龜包藏長為仙官安鎮國祚保天無終護度一切莫不仰宗

十願江海蕩蕩無極合容恢廓無細不植淵與柔惠潤加蠕息天人獲慶年同劫石

十一願帝王國主日昌四鎮安睦共革不揚天人誦唱吉應來翔敷教濟濟咸化揚揚兆庶稱慶長樂未央

十二願蝗飛蠶動已生未生成蒙安全普得生成皆見元氣受陽之形草木果林經冬不零一切濟度靡不鮮榮和與道合真

存神燒香

香官使者左右龍虎君侍香詣靈官當今臣午朝建齋之所自然生金液丹碧芝英百靈衆真交會在此香火爐前臣學道得道求仙得仙齋官蒙福幽顯沾恩十方仙童玉女

接待香煙傳臣向來所啓速達運御太上无極大道至真玉皇上帝御前

出堂頌 引至師幕

謝師 回向

靈寶領教濟度金書卷之二百五十二

卷九

十六